

## ORDENANZA FISCAL REGULADORA DA TAXA DE RECOLLIDA E TRATAMENTO DE LIXO

### Artigo 1. Fundamento e natureza

No uso das facultades concedidas polos artigos 133.2 e 142 da Constitución e polo artigo 106 da Lei 7/1985, de 2 de abril, reguladora de Bases de Réxime Local, e de conformidade co disposto nos artigos 15 a 19 da Lei 39/1988, de 28 de decembro, reguladora das Facendas Locais, este Concello establece a Taxa por recollida e tratamento de lixo, que se rexera pola presente Ordenanza fiscal, que atende ó previsto no artigo 58 da citada Lei 39/1988.

### Artigo 2. Feito imponible

1. Constitúe o feito imponible da taxa a prestación do servizo, de recepción obrigatoria, de recollida e tratamento de lixos domiciliarios e residuos sólidos urbanos de vivendas, aloxamentos e locais ou establecementos onde se exerzan actividades industriais, comerciais, profesionais, artísticas e de servizos.
2. Terán a consideración de lixo domiciliario e residuos sólidos urbanos os restos e desperdicios de alimentación ou detritos procedentes da limpeza normal de locais e vivendas e exclúense de tal concepto os residuos de tipo industrial, entullos de obras, detritos humanos, materias e materiais contaminados, corrosivos, perigosos ou que a súa recollida ou vertido esixa a adopción de especiais medidas hixiénicas ou de seguridade.
3. Entenderase de recepción obrigatoria o servizo prestado a tódalas vivendas e establecementos comerciais, industriais, profesionais ou de outros usos que estean en condicións de habitabilidade ou utilización con independencia de que estean ou non habitados ou utilizados. Presumirase a utilización do servizo cando exista a posibilidade de habitar a vivenda ou usar o local por contar con calquera dos servizos de abastecemento de auga, suministro de enerxía eléctrica ou rede de sumidoiros.

### Artigo 3. Suxeito Pasivo

1. Son suxeitos pasivos contribuíntes as persoas físicas ou xurídicas e as entidades a que se refire o artigo 33 da Lei Xeral Tributaria, que ocupen ou utilicen as vivendas ou locais ubicados nos lugares, prazas, rúas ou vías públicas nos que se preste o servizo, xa sexa a título de propietario ou de usufrutuario, habitacionista, arrendatario ou incluso de precario.
2. Terá a consideración de suxeito pasivo substituídos do contribuínte o propietario das vivendas ou locais, que poderá repercutir, no seu caso, as cotas satisfeitas sobre os usuarios daquelas, beneficiarios do servizo.

#### Artigo 4. Responsables

1. Responderán solidariamente das obrigas tributarias do suxeito pasivo, as persoas físicas ou xurídicas a que se refiren os artigos 38.1 e 39 da Lei Xeral Tributaria.
2. Serán responsables subsidiarios os administradores das sociedades e os síndicos, interventores ou liquidadores de quebras, concursos, sociedades e entidades en xeral, nos supostos e co alcance que sinala o artigo 40 da Lei Xeral Tributaria.

#### Artigo 5. Beneficios fiscais

Soamente se admitirán nesta Taxa as exención e bonificacións que veñan establecidas en Tratados e Acordos Internacionais ou en normas con rango de Lei.

#### Artigo 6. Cota Tributaria

1. Respecto da zona urbana, as cotas esixiranse trimestralmente e de conformidade co Regulamento Xeral de Recadación.
2. Respecto da zona rural, as cotas esixiranse anualmente e de conformidade co Regulamento Xeral de Recadación.
3. Establécese o seguinte cadro de tarifas:

| 1     | Zona Urbana   | euros / ano |
|-------|---|-------------|
| 1.1   | Usos domésticos   |             |
| 1.1.1 | Vivendas con valor catastral igual ou inferior a 30000 euros no caso de que constitúan residencia habitual ou permanente de unidades familiares nas que os ingresos non rebasen o salario mínimo interprofesional | 42,97       |
| 1.1.2 | Vivendas que constitúan residencia habitual ou permanente de persoas beneficiarias da Renda de Inserción Social de Galicia - Rísga  | 7,15        |
| 1.1.3 | Resto de vivendas   | 85,94       |
| 1.2   | Despachos profesionais  | 215,28      |
| 1.3   | Cafeterías, bares, discotecas, pensións e semellantes   | 346,77      |
| 1.4   | Establecementos comerciais de ata 300 m <sup>2</sup> .  | 215,28      |
| 1.5   | Establecementos comerciais de 301m <sup>2</sup> . a 750 m <sup>2</sup> .  | 346,77      |
| 1.6   | Establecementos comerciais de 751 m <sup>2</sup> . a 1.000 m <sup>2</sup> .   | 559,68      |
| 1.7   | Establecementos comerciais de 1.001 m <sup>2</sup> . a 1.500 m <sup>2</sup> .   | 1.119,52    |
| 1.8   | Establecementos comerciais de más de 1.501 m <sup>2</sup> .   | 1.678,90    |
| 1.9   | Entidades financeiras   | 559,68      |
| 1.10  | Industrias e talleres de ata 200 m <sup>2</sup>   | 215,28      |
| 1.11  | Industrias e talleres de 201 m <sup>2</sup> . a 750 m <sup>2</sup> .  | 346,77      |
| 1.12  | Industrias e talleres de 751 m <sup>2</sup> . A 1.500 m <sup>2</sup> .  | 559,68      |
| 1.13  | Industrias e talleres de mais de mais de 1.500 m <sup>2</sup>   | 839,01      |
| 1.14  | Establecementos non incluídos nos apartados anteriores  | 215,28      |

---

| <i>2</i> | <i>Zona Rural</i>   | euros / ano |
|----------|---|-------------|
| 2.1      | Usos domésticos   |             |
| 2.1.1    | Vivendas con valor catastral igual ou inferior a 30000 euros no caso de que constitúan residencia habitual ou permanente de unidades familiares nas que os ingresos non rebasen o salario mínimo interprofesional | 17,34       |
| 2.1.2    | Vivendas que constitúan residencia habitual ou permanente de persoas beneficiarias da Renda de Inserción Social de Galicia - Risga  | 7,37        |
| 2.1.3    | Resto de vivendas   | 34,72       |
| 2.2      | Actividades comerciais e industriais de 4 a 10 obreiros   | 104,90      |
| 2.3      | Actividades comerciais e industriais de máis de 10 obreiros   | 208,20      |
| 2.4      | Establecementos non incluídos nos apartados anteriores  | 52,06       |

4. Para os efectos da aplicación deste artigo, considerarase como zona urbana aquela onde o servizo se presta con carácter habitual os días laborables, e como zona rural aquela onde exista un contedor de lixo nun radio de cen metros contados a partir de calquera punto do inmovible da vivenda ou no que se desenvolva a actividade.

5. Para a fixación da base do gravame, a superficie dos locais comprenderá a totalidade do local afecta a actividade, sen que proceda a exclusión de ningunha dependencia ou habitación por razón do seu uso específico.

6. No caso de realización de dous ou máis feitos impositivos nunha mesma vivenda ou local, entenderase que é obxecto de tributación ó que corresponda á tarifa de maior contía.

#### **Artigo 7. Devengo**

1. O devengo ou obriga de contribuír prodúcese cando se inicie a prestación do servizo. No suposto de recollida diaria de lixo domiciliario, a obriga de contribuír existe dende o momento en que se presta o servizo na zona na que se sitúa a vivenda ou establecemento, entendéndose que o servizo está establecido cando haxa un contedor de lixo nun radio de cen metros contados a partir de calquera punto do inmovible da vivenda ou no que se desenvolva a actividade.
2. Establecido e en funcionamento o nomeado servizo, as cotas devengarase o primeiro día do período que sinala a tarifa da Taxa, ou no seu caso, na data que se realice o feito impositivo.

#### **Artigo 8. Declaración e liquidación**

1. A Taxa liquidarase cando se presente a solicitude de alta no padrón correspondente.
2. Se utiliza o servizo sen mediar solicitude darase de alta de oficio no padrón, liquidarase e notificarase a mesma ós interesados sen prexuízo da apertura do correspondente expediente sancionador por infracción tributaria.
3. Unha vez producida a alta no correspondente padrón a liquidación desta Taxa acomodarase ó procedemento previsto para os valores recibo ( padrón, censo, matrícula etc.).

## Artigo 9. Ingreso

1. As cotas desta Taxa liquidaranse e esixiranse no momento de presentarse a solicitude polos períodos non declarados, producíndose a alta no correspondente padrón.
2. Unha vez producida a alta, a Taxa exaccionarase por padrón esixíndose o importe da mesma no prazo que sinale a tarifa da Taxa, ou ben no que determine o Alcalde-Presidente ou a Comisión de Goberno, nos prazos previstos no artigo 20 do R.X. de Recadación ou no que sinale a Alcaldía-Presidencia.
3. O ingreso efectuarase na Tesourería Municipal ou no lugar que determine o Alcalde-Presidente ou a Comisión de Goberno.

## Artigo 10. Infraccións e sancións

En todo o relativo a cualificación de infraccións tributarias, así como das sancións que ás mesmas correspondan en cada caso, estarase ó disposto nos artigos 77 e seguintes da Lei Xeral Tributaria.

## DISPOSICIÓN ADICIONAL

### Primeira. Declaración de alta

Os suxeitos pasivos substituídos do contribuínte formularán as declaracións de alta nos censos ou padróns da Taxa e surtirá efectos tributarios no mesmo momento de presentarse a declaración, podendo prorratearse, no seu caso, por meses.

### Segunda. Declaración de baixa

Os suxeitos pasivos substituídos do contribuínte formularán as declaracións de baixa no censo ou padrón da Taxa e surtirá efectos no período natural seguinte ó de presentación da mesma podendo, no seu caso, prorratearse por meses.

## DISPOSICIÓN TRANSITORIA

O cobramento da taxa polos servicios prestados entre a data de entrada en vigor do acordo modificadorio da presente Ordenanza e o 31 de decembro de 2000 realizarase mediante un único recibo por contribuínte, polo importe prorrateado que corresponda.

## DISPOSICIÓN FINAL.

A presente ordenanza fiscal, cunha redacción definitiva aprobada polo Pleno da Corporación na sesión celebrada o 19.10.1989, entrará en vigor o mesmo día da súa publicación no Boletín Oficial da Provincia, e será de aplicación a partir do día 1 de xaneiro de 1990, permanecendo

en vigor ata a súa modificación ou derogación expresas.

Publicación B.O.P.: 27-12-1989

Modificacións realizadas:

|                 | <b>Acordo</b>                  | <b>Publicación B.O.P.</b> |
|-----------------|--------------------------------|---------------------------|
| 1 <sup>a</sup>  | Pleno 07.05.1992               | 11.08.1992                |
| 2 <sup>a</sup>  | Pleno 30.12.1993               | 25.03.1994                |
| 3 <sup>a</sup>  | Plenos 11.08.2000 e 10.09.2000 | 29.11.2000                |
| 4 <sup>a</sup>  | Pleno 13.12.2002               | 12.03.2003 e 23.03.2003   |
| 5 <sup>a</sup>  | Pleno 10.11.2003               | 26.12.2003                |
| 6 <sup>a</sup>  | Pleno 08.11.2004               | 30.12.2004                |
| 7 <sup>a</sup>  | Pleno 10.11.2005               | 29.12.2005                |
| 8 <sup>a</sup>  | Pleno 13.11.2006               | 30.12.2006                |
| 9 <sup>a</sup>  | Pleno 05.10.2007               | 11.12.2007                |
| 10 <sup>a</sup> | Pleno 02.10.2008               | 10.12.2008                |
| 11 <sup>a</sup> | Pleno 01.03.2012               | 24.04.2012                |